

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, br. 1/14, 3/15, 7/15 i 12/15), Gradsko vijeće Grada Tuzla, na sjednici od 28. februara, 2020. godine, donosi:

**P R A V I L N I K**  
**o izmjenama i dopunama Pravilnika o kriterijima i postupku za ostvarivanje prava na jednokratne novčane pomoći iz Budžeta Grada Tuzla**

**Član 1.**

U Pravilniku o kriterijima i postupku za ostvarivanje prava na jednokratne novčane pomoći iz Budžeta Grada Tuzla („Službeni glasnik Grada Tuzla“, broj: 12/19), u članu 2. stav 1. iza tačke 3. dodaje se nova tačka 4. koja glasi:

„ 4. Jednokratna novčana pomoć za refundiranje dijela troškova postupka vantjelesne oplodnje.“

**Član 1a.**

U članu 3. tačka 2. i tačka 3. postotak „20%“ zamjenjuje se sa postotkom „25%“ a u tački 4. postotak „40%“ zamjenjuje se postotkom „45%“.

**Član 1b.**

U članu 7. tačka 2. i tačka 3. postotak „20%“ zamjenjuje se sa postotkom „25%“ a u tački 4. postotak „40%“ zamjenjuje se postotkom „45%“.

**Član 2.**

Iza poglavlja IV dodaje se novo poglavlje IVA i članovi 22a., 22b., 22c. i 22d. koji glase:

**„IVA JEDNOKRATNA NOVČANA POMOĆ ZA REFUNDIRANJE DIJELA TROŠKOVA POSTUPKA VANTJELESNE OPLODNJE**

**Član 22a.**

Partnerima koji žive u bračnoj ili vanbračnoj zajednici a koji, zbog objektivnih okolnosti, nisu u mogućnosti postati roditelji prirodnim putem, može se odobriti jednokratna novčana pomoć iz Budžeta Grada Tuzla za refundiranje dijela troškova postupka vantjelesne oplodnje.

Pravo na refundiranje dijela troškova može se odobriti jednom u toku godine za postupak obavljen u toku kalendarske godine za koju se dodjeljuju sredstva, u iznosu od 2.000,00 KM.

**Član 22b.**

Pravo iz prethodnog člana mogu ostvariti partneri koji ispunjavaju sljedeće uslove:

1. Da imaju prebivalište na području grada Tuzle
2. Da žive u bračnoj ili vanbračnoj zajednici
3. Da mogu postati roditelji samo primjenom postupka biomedicinski potpomognute oplodnje.

**Član 22c.**

Postupak za ostvarivanje prava na jednokratnu novčanu pomoć za refundiranje dijela troškova postupka vantjelesne oplodnje pokreće se zahtjevom koji podnosi jedan od partnera. Uz zahtjev potrebno je dostaviti sljedeću dokumentaciju:

1. Lična karta za oba partnera (fotokopija),
2. Prijava o evidenciji prebivališta (PBA 1 obrazac) za oba partnera (fotokopija),
3. Izvod iz matične knjige vjenčanih – za bračne partnere (fotokopija),
4. Ovjerena izjava oba partnera o postojanju vanbračne zajednice shodno odredbi člana 3. Porodičnog zakona Federacije Bosne i Hercegovine („Službene novine FBiH, broj: 35/05 i 31/14) – za vanbračne partnere (original),

5. Nalaz i mišljenje ljekara specijaliste ginekologije ili urologije (fotokopija),
6. Mišljenje nadležne javne ili privatne zdravstvene ustanove o potrebi liječenja neplodnosti metodom biomedicinski potpomognute oplodnje – vantjelesne oplodnje, izdato prije započinjanja postupka (fotokopija),
7. Dokaz o obavljenom postupku vantjelesne oplodnje - otpusno pismo nadležne zdravstvene ustanove ili drugi adekvatan dokument uvidom u koji se može utvrditi da je postupak obavljen (fotokopija),
8. Račun za obavljeni postupak vantjelesne oplodnje izdat od strane nadležne javne ili privatne zdravstvene ustanove koja se bavi humanom reprodukcijom na ime jednog od partnera (original ili ovjerena fotokopija),
9. Tekući račun podnosioca zahtjeva (fotokopija).

#### Član 22d.

Postupak za ostvarivanje prava na jednokratnu novčanu pomoć za refundiranje troškova biomedicinski potpomognute oplodnje (vantjelesna oplodnja), provodi nadležna služba iz člana 13. ovog Pravilnika, u skladu sa odredbama Zakona o upravnom postupku („Službene novine Federacije Bosne i Hercegovine“, broj 2/98 i 48/99).

Odobreni iznos jednokratne novčane pomoći za refundiranje dijela troškova postupka biomedicinski potpomognute oplodnje uplaćuje se na tekući račun podnosioca zahtjeva.“

#### Član 3.

Ovaj Pravilnik stupa na snagu danom objavljivanja u “Službenom glasniku Grada Tuzla”.

GRAD TUZLA  
Gradsko vijeće  
Broj: 01/31-A-3202-2020  
Tuzla, 28. februar 2020. godine

